

Na osnovu člana 23 Statuta Brčko distrikta Bosne i Hercegovine («Službeni glasnik Brčko distrikta BiH», brojevi 1/00 i 7/04) Skupština Brčko distrikta Bosne i Hercegovine, na 16. sjednici održanoj 30. juna i 07. jula 2005. godine, usvaja

Z A K O N

O IZMJENAMA I DOPUNAMA ZAKONA O DJEČIJOJ ZAŠTITI BRČKO DISTRIKTA BOSNE I HERCEGOVINE

Član 1

U Zakonu o dječijoj zaštiti Brčko distrikta BiH («Službeni glasnik Brčko distrikta BiH», brojevi 1/03 i 4/04), član 2 mijenja se i glasi:

«Pravo po ovom zakonu ostvaruju lica koje imaju prebivalište na području Brčko distrikta Bosne i Hercegovine (u daljem tekstu: distrikt) u skladu s članom 11 Statuta Brčko distrikta Bosne i Hercegovine uz kontinuirano praćenje i uvida na prijavljenoj adresi mjesta prebivališta podnosioca zahtjeva, a od strane radnika Pododjela za socijalnu zaštitu.

Stalno mjesto prebivališta dokazuje se i slijedećim dokumentima:

- a) dokaz o posjedovanju nepokretne imovine (kuća ili stan),
- b) podstanarskim ugovorom ovjerenim kod nadležnog organa.»

Član 2

U članu 10 stav 1 mijenja se i glasi:

«Pravo na materinski dodatak ostvaruje svaka nezaposlena majka, koja na Zavodu za zapošljavanje Brčko distrikta BiH (u daljem tekstu: Zavod) ima prijavu, te je kao takva na evidenciji najmanje od 6 mjeseci, što dokazuje uvjerenjem iz Zavoda, te priloženom dokumentacijom koja se traži članom 2 stavom 2 ovog zakona.»

Član 3

U članu 12 stav 1 mijenja se i glasi:

«Pravo na pomoć za opremu novorođenčeta ostvaruje se bez izuzetka za svako novorođeno dijete u porodici, ukoliko roditelj novorođenog djeteta uz prijavu mjesta prebivališta i rodni list novorođenog djeteta podnese zahtjev u roku od mjesec dana. Nadzor nad ostvarivanjem ovog prava vrši nadležno Pododjeljenje za socijalnu zaštitu.»

Član 4

U članu 15 dodaje se novi stav 4 koji glasi:

«Rok za dostavljanje školskih potvrda je slijedeći:

- a) za djecu koja navršavaju 15 godina, na kraju školske kalendarske godine, roditelj se obavezuje na donošenje potvrde o završenom razredu, a u septembru mjesecu za svaku školsku godinu od 01. 09. do 30. 09. obavezuje se na donošenje potvrde o daljnjem nastavljanju školovanja,
- b) za djecu srednjoškolskog uzrasta, roditelj se obavezuje na donošenje potvrde o redovnom školovanju i to u periodu od 01. 09. do 30. 09. za svaku školsku godinu,
- c) za djecu studente do navršene 26. godine života, obaveza je donošenja potvrde o redovnom školovanju i to u periodu od 01. 10. do 31. 10. za svaku godinu.»

Član 5

U članu 24 dodaje se novi stav 2 koji glasi:

Službenik Centra za socijalni rad može izlaskom u terensku posjetu i uvidom na licu mjesta izvršiti službeno dokazivanje stvarnog odsustvovanja ili prisustva podnosioca zahtjeva na prava iz dječije zaštite, kao i korisnika nad priznatim pravom iz dječije zaštite, najviše 2 puta u toku jednog mjeseca u različitom vremenskom periodu. Terenska posjeta pored zvaničnog izvještaja službenog lica mora biti usklađena i sa izjavama najmanje 2 (dva) mještanina».

Član 6

Iza poglavlja V. «OBEZBJEĐENJE SREDSTAVA» dodaje se novo poglavlje V/a. «KAZNENE ODREDBE» s novim članom 36a koje glasi:

«V/a. KAZNENE ODREDBE

Član 36a

Novčanom kaznom kaznit će se:

- a) lice - podnosilac zahtjeva za kojeg službenik Centra za socijalni rad terenskom posjetom utvrdi stvarno odsustvovanje s prijavljene adrese tj. mjesta prebivališta i to novčanim iznosom od 100,00 KM;
- b) lice - korisnik prava na dječiju zaštitu za kojeg službenik Centra za socijalni rad terenskom posjetom utvrdi stvarno odsustvovanje s prijavljene adrese tj. mjesta prebivališta i to novčanim iznosom od ukupno dobijenih isplata po pravu koje je koristio do dana utvrđivanja činjeničnog stanja.

U slučajevima iz tački a i b ovog člana, predstavnik Centra za socijalni rad službeno dostavlja zaprimljeni zahtjev ili kompletan predmet korisnika nadležnom pravniku za zastupanje Brčko distrikta BiH, kako bi se pred Tužilaštvom pokrenuo krivični postupak.»

Član 7

Ovaj zakon stupa na snagu osam 8. (osmog) dana od dana objavljivanja u «Službenom glasniku Brčko distrikta BiH».

Б о с н а и Х е р ц е г о в и н а
БРЧКО ДИСТРИКТ
БОСНЕ И ХЕРЦЕГОВИНЕ
СКУПШТИНА БРЧКО ДИСТРИКТА

B o s n a i H e r c e g o v i n a
BRČKO DISTRIKT
BOSNE I HERCEGOVINE
SKUPŠTINA BRČKO DISTRIKTA

Broj: 0-02-022-148/05
Brčko, 07. juli 2005. godine

PREDSJEDNIK
SKUPŠTINE BRČKO DISTRIKTA BiH

Prof. dr. Milan Tomić